

## Universitätsbibliothek Paderborn

**D. Ioannis Ivsti Lanspergii Carthviani, Natione Bavari,  
Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam  
Virginem Mariam, cæterosq[ue] Sanctos - exercitijs item diuersis, tum  
maximè Paßionis Dominicæ, eiusq[ue] matris, refertißimus

**Landsberg, Johannes Justus**

**Coloniae Agrippinae, 1630**

Pro peccatoru[m] præseruatione alia ad ea[n]dem.

[urn:nbn:de:hbz:466:1-45928](https://nbn-resolving.de/urn:nbn:de:hbz:466:1-45928)

qualem tantæ reginæ decet esse seruulum, castum videlicet, humilem, mansuetum, piūm, obedientem, simplicem, diuinig; amoris facibus, accensum. Quod per te mihi præstare dignetur Iesus Christus filius tuus, Amen.

*Pro peccatorum expiatione alia ad eandem breuior precatio.*

**O** Gloriosissima & inenarrabilis omnium creaturarum dignissima, sola post Deum proxima, ab æterno prælecta, omniq; virtutum & gratiarum plenitudine copiosissimè superflua, domina mea tuper dulcissima virgo Maria, ob singularem illum amorem, quem erga genus humanum, singulariter verò erga peccatores, afflictos, & miseros semper geris, te humiliter oro & suppliciter pietatis tuæ deprecor viscera, vt omnium peccatorum meorum præteriorum indulgentiam & veniam impetrare à dilectissimo tuo filio Domino nostro Iesu Christo digneris, atq; abundantissimis meritis tuis interuenientibus perfectè in eius me gratiam restitutas, gratiamq; copiosam mihi obtineas, per quam de cætero ab omni me peccato liberum & immunem seruem, tuq; ac filij cui integerrimæ ritæ omnem meam conuersationem conformem, atq; in omnibus sanctissimæ tuæ volūtati me subiçiam, Amen.

*Ad B. Virginem Mariam, pro virtutum mortificatione, precatio.*

**O** Dulcissima virgo Maria, per virtutem sanctissimæ & integerrimæ tuæ puritatis te humiliter oro, vt gratiam mihi impetres à dulcissimo filio tuo; vitem in me mortificandi & occidendi hominem, cum omnibus actibus actōcupiscentijs suis, atq; sine omni quærela, castè, piè religioseq; viuendi in hoc seculo. Expelle à corde meo, ô pia mater, omnes passionum improbos motus & cogitationum malarum importunos tumultus, & redde mihi veram pacem tranquillitatemq; pectoris, ac mentis iamdudum amissam puritatem, Amen.

*Ad eandem B. virginem Mariam, protentionum & peccatorum tutela, precatio.*

**O** Inclita & excellentissima Dei genitrix virgo Maria, deprecor pietatem tuā ineffabilem, & admirabilem tuam excellentiam, per quam naufrago mundo salus orta est, vt te mihi miserabili, piam atque benignam matrem in omnī tentatione & dæmonum impugnatione exhibere digneris, atque semper & ubiq; gratia tua me protegere ac defensare, ne blanditijs malorum spirituum seducar, aut in peccatorum consensu pertrahar, Amen.

*Ad eandem B. virginem Mariam, pro peccatorum preseruatione, precatio.*

**O** Excellentissimæ dignitatis mater Dei, virgo Maria, obsecro te, per singularem illam præminentiam tuam, qua cunctis mortalibus præstas, vtpote munda & immunis ab omni contagione peccati, libera & custodi me ab omni peccato. Aufer quicquid oculis tuis in medisplacet, & tribue quicquid placet, & perduc me ad statum viaendi tibi gratissimum & mihi saluberrimum, Amen.

*Ad eandem B. virginem Mariam, pro extincione omnis mundani amoris, precatio.*

**O** Excellentissimæ dignitatis Mater Dei, virgo Maria, obsecro te, per singularem ac ineffabilem præminentiam tuam, qua cunctis mortalibus præstas, vtpote electissima virgo perpetua, & mater non cuiscunq; hominis, sed filij DEI, extinguere penitus à corde meo omnem tam carnis, quam mundi amorem, & reple illud castissimo amore tui, quo ad placendum tibi purissimam castitatem animæ & corporis, & in alijs omnibus gratissimam tibi exhibeam seruitutem, Amen.

Phare-

